

Kubo elektitas vicprezidanto de la Komitato por palestinaj rajtoj



Unuiĝintaj Nacioj, jun 27 (RHK) La konstanta reprezentanto de Kubo ĉe la Unuiĝintaj Nacioj, Ernesto Soberón, estis elektita vicprezidanto de la Komitato por la Ekzercado de la Neforigeblaj Rajtoj de la Palestina Popolo, organizo dediĝita al la defendo de la memdetermino de tiuj teritorioj.

Post la novaĵo, la alterna konstanta ambasadoro de Kubo ĉe UN Yuri Gala insistis pri la volo de sia lando subteni pacan solvon de la israela-palestina konflikto kaj la starigon de du ŝtatoj.

"Ni ricevas ĉi tiun respondecon kiel devontigon daŭre batali per nia laboro en la Komitato kaj en la Unuiĝintaj Nacioj favore al aŭtenta paca procezo en tiu regiono de la mondo", li diris en la nomo de Ernesto Soberón.

Gala memoris, ke lia lando subtenos la proceduron iniciatitan de Sud-Afriko kontraŭ Israelo antaŭ la Internacia Kortumo kaj prezentos, kiel Tria ŝtato, "ĉian interpreton de la normoj de la Konvencio, kiujn Israelo flagre malobservis per siaj agoj en la kontraŭleĝe okupita palestina teritorio de la Gaza Sektoro," li

klarigis.

La diplomato alvokis ĉesigi la senpunecon, per kiu la Tel-Aviva registaro agas, kio estas klarigebla nur per sia fido, ke ĉi ne devos respondeci pri siaj agoj.

Krome, li postulis ĉesigi la sendistingajn bombadojn kontraŭ la loĝantaro en Gazao kaj la devigan delokiĝon de palestinanoj el la tero, kiu ĉuste apartenas al ili.

La Komitato pri Ekzercado de la Neforigeblaj Rajtoj de la Palestina Popolo estis establita en 1975 fare de la Ĝenerala Asembleo por antaŭenigi la kapablon de palestinaj rifuĝintoj ekzerci sian rajton al mem-determinado kaj suvereneco, same kiel la rajton de reveno.

Kunmetita de 26 membroj kaj 24 observaj ŝtatoj, la ento organizas internaciajn renkontiĝojn kaj konferencojn dum interrilatado kun civilsociaj organizoj ĉirkaŭ la mondo kun programo de informoj kaj publikaĵoj.

Fonto: PL

<https://www.radiohc.cu/eo/noticias/nacionales/358508-kubo-elektitas-vicprezidanto-de-la-komitato-por-palestinaj-rajtoj>



Radio Habana Cuba